FURBEYRE (Leophaire), notaire de Saint-Nauphary, minutes 1583-1584, f° 280 & ss., Archives départementales de Tarn-et-Garonne, cote 5 E 4828, PH/FF/331/PRH/20230207.

ij<sup>c</sup> lxxx

*(...)* 

Mariage de pierre py de charros jurid(ict)ion de sainct leophaire d() une part et margueritte baudonnette fille a feu galhiard baudonet de bonrepaux d() au(tr)e

Au nom de dieu saichent tous que comme ainsi soict que mariaige ay este traicte esperant estre accomply et solempnise en l()esgli(s)e chrestienne entre pierre py filz a feu jehan py laboreur

.....

**de charros** jurid(ict)ion de sainct leophaire habit(ant) d()une part et margueritte baudonnette fille a feu galhiard baudonet et de jehanne lombrailhe legitime et naturelle habitante de() la jurid(ict)ion de bonrepaux d() au(tr)e en traictant duquel mariaige ayt este [pro]mys par lad(ite) lombrailhe en qualite de mere et tuteresse de blaise baudonet son filz et filz et( )here(tier) dud(it) feu galhiard baudonet donner et constituer dot ausd(its) futeurs maries suyvant la voluncte et disp(ositi)on testamentaire dud(it) feu baudonet soubz certaines conventions et pactes arrestez et convenuz entre lesd(ites) parties sans de ce dessus avoir este faict et passe instrument a ceste cause est assavoir que l an mil cinq cens quatre vingtz troys et le dix huictiesme jour du moys de decembre apres midy dans la maison appellee de gaignayre dans la jurid(ict)ion et [par]roisse de **bonrepaux** diocese de mo(n)t(aub)an et()sen(echau)cee de th(ou)l(ous)e regnant henry souverain prince roy de france et de poloigne ez p(rese)nces

.....

ij<sup>c</sup> lxxxi

de moy not(air)e royal soubz(sig)ne et tesmoingz soubz nommez ont este en leurs [per]sonnes led(it) **pierre py** assiste de **jehan lagarde son oncle maternel** soubz(sig)ne et de **guill(aum)e py son co(u)sin germain** 

d( )une part et lad(site) margueritte baudonnette aussi assistee aussi de( )lad(ite) lombrailhe sa mere et de françois lombrailh et hugues verug ses oncles et de margueritte lombrailhe sa tante et marrine d( )au(tr)e lesquelles parties de leur bon gre et voluncte ont [pro]mys accomplir led(it )mariaige gardees les solempnitez requises en cessant legitime empechement a() la premiere requi(siti) on de l()ung d()iceulx et pour supporta(ti)on dez charges dud(it) mariaige lad(ite) jehanne lombrailhe estant constituee en sa [per]sonne de son gre et voluncte aud(it) nom de tuteresse mere et administraresse dud(it) blaise baudonet sond(it) filz a constitue et constitue en dot ausd(its) py et baudonnette futeurs mariez illec p(rese)ns po(ur) eulx et les leurs a()l()advenir estipullans et acceptans savoir est

.....

semblable somme que led(it) feu baudonet a donnee et leguee en son dernier testement a lad(ite) margueritte sa fille que sont cent escuz sol de soixante soulz piece ensemble oultre lad(ite) somme semblable lyct et robes que led(it) feu baudonet a donnees et constituees a annette baudonnette sa fille femme de françois peyre au contract de leur mariaige lequel lyct et robes lad(ite) lombrailhe comme elle [pro]cede promect payer ausd(its) futeurs mariez a semblables pacz et termes que debvoient estre payes ausd(its) peyre et baudonnette et to(u)chant lad(ite) somme de cent escuz sol ont dict lesd(ites) parties que debvoient estre payez trente troys escuz sol et tiers d() escu comptans sur la passa(ti)on de cest instrument mais d()aultant que lad(ite) lombrailhe n( )auroit moyen de payer lad(ite) somme et aussi que lesd(its) futeurs mariez po(ur) r(ais)on d()icelle demandoient du corps de()lad(ite) heredicte ont declaire que led(it) py et ses fre(re)s tiennent [par] moyen de ]pa[ vente a pacte de rachapt de()lad(ite) lombrailhe au nom que [pro]cede une piece de **pred communement appelle** de()l()heretiere pour le pris contenu en l()instrument sur ce faict et passe par

.....

ij<sup>c</sup> lxxxij

confron(té) aud(it) instrument scituee en la jurid(ict)ion dud(it) bonrepaux lequel pred suyvant l()evalua(ti)on que a este faicte par les parens et aliez desd(ites) parties comme ilz ont dict saichans le pris po(ur) lequel est vendu a pacte de rechapt ]est[ vault treitze escuz sol et tiers d()escu plus q(ue) la somme baillee [par] lesd(its) pys fre(re)s a() lad(ite) lombraille pour lequel pris revenant a quarante livres t(ournoi)z lad(ite) lombrzilhe cede quicte delaysse et transporte au nom qu()elle [pro]cede toute plus valleur dud(it) pred conscentant que l()instrument de pacte de rechapt soit et demeure nul po(ur) le regard de sond(it) filz et saulf a() le pouvoir prendre [par] lesd(its) futeurs mariez si bon leur semble suyvant led(it) pacte en rendant aux fre(re)s dud(it) py le pris q(ue) [par] eulx aura este forny mectant a()ces()fins lad(ite) lombrailhe lesd(its) futeurs maries au lieu place droict et instance dud(it) blaise baudonet sond(it) filz et moyenant ce led(it) py s( )est [con]tente de( )lad(ite) somme de treitze escuz sol et tiers d()escu et en a quicte et quicte led(it) blaise baudonet et les siens et pour et en payement

.....

de la somme de vingt escuz sol restans du premier pac de()lad(ite) dot lad(ite) lombrailhe [pro]cedant comme dessus a baille et baille ausd(its) futeurs mariez |u| et leur cede remect et transporte a perpetuite une piece de terre appellee del chaudelet viscompte de villemeur consulat de puyllauron quoy que contiegne e tout ce qu() est encloz dans les confron(tation)s dessoubz escript[es] confron(tant) avec la terre de anne baudonnete d()une part et d()au(tr)es troys partz avec troys chemyns publicques et avec ses au(tr)es confron(tation)s plus vrayes si poinct en y a laquelle piece lesd(its) futeurs mariez ont prinse et prennent po(ur) et en payement de()lasd(ite) somme de vingt escuz sol et d()icelle se sont [con]tentez et en ont quicte et quictent lad(ite) lombrailhe [com]me elle [pro]cede promectans moyenant ce dess(u)s ne jamais rien plus demander po(ur) r(ais)on de()lad(ite) somme de trente troys escuz sol et tiers d()escu pour led(it) premier pac de()lad(ite) dot et payer la rente que font lesd(ites) pieces

.....

aux seigneurs desqulz se trouveront en fief et directe de() laquelle rente | lad| talhies et au(tr)es subcides et arrevraiges lad(ite) lombrailhe les leur baille franches et quictes jusques au jo(ur) p(rese)nt avec toutes entrees yssues [ser]vitudes et au(tr)es universelles a[par]tencez pour en f(air)e et disposer a toutes leurs volunctes soubz les condi(ti)ons susd(ites) leur donnant toute majeure valle(ur) desd(ites) pieces ou en y auroit ores qu( )excedast oultre moytie du juste pris p(rese)nte et future [par] donna(ti)on faicte entre vifz a jamais yrrevocable desquelles pieces icelle lombrailhe [com]me [pro]cede s( )est divestu et en a investuz lesd(its) fucteurs mariez [par] le bailh de cest instrument [par] elle entre leurs mains baille au nom desquelz s() est constituee les tenir doresnavant et jusques a()ce qu()ilz en ayent prinse realle actuelle et corporelle possession le(ur) donnant puyssance de( )la prendre quant bon le(ur) semblera promectant leur pourter eviction et gueren(tie) envers et contre tous [per]turbateurs desd(ites) pieces tant au posse(ssoi)re q(ue) petitoire en jugement et ailheurs

.....

et de la somme de soixante six escuz sol et deux tiers d( )escu restans a [pro]mvs et [pro]mect paver lad(ite) lombrailhe aud(it) nom ausd(its) futeurs mariez la somme de vingt escuz sol dans deux ans prochains a compter de ce jourd() huy et ch(ac) un an apres prochain suyvant la somme de dix escuz sol jusques a fin de paye de()lad(ite) dot fors la derniere paye que ne montera que six escuz sol et deux tiers d() escu laquelle dot led(it) py a [pro]mys recognoistre et assigner et tant que besoing est de p(rese)nt le recognoist et assigne tant sur lesd(ites) pieces de terre et pred baillees en pavement desd(its) cent francz exp(ci)alle(men)t que g(e)n(er)alle(men)t sur tous et ch(ac)uns ses au(tr)es biens p(rese)ns et advenir a()lad(ite) baudonnette sad(ite) future femme illec p(rese)nte estipullante et acceptante promectant cas de restitu(ti)on advenant luy rendre et restituer lad(ite) dot en la fourme et maniere q(ue) [par] luy aura este receu avec l() augment requiz suyvant l() uz

.....

## ij<sup>c</sup> lxxxiiij

et costule dud(it) lieu et jurid(ict)ion de sainct leophaire que lesd(ites) parties ont accorde estre telle que predecedant la femme au mary led(it) mary demeure jouvssant et usufructuaire de() la dot de()lad(ite) femme pendent sa vye a()la charge de norrir honnestement les enfans de le(ur) mariaige si poinct en y a et apres le deces dud(it) mary si ne y a enfans de leurd(it) mariaige ou disp(ositi)on de() la femme lad(ite) dot retourne aux proches parens d()icelle et par le contre(re) premorant le mary a() la femme elle est alimentee sur les biens du mary pendent sa viduicte sellon sa qualite et si se remarie recouvre sa dot sur les biens dud(it) mary avec l() augment que a()pleu au mary luy donner [par] disp(ositi)on ou au(tre)ment suyvant laquelle costume lesd(ites) parties passent le p(rese)nt instrument et d() aultant que la susd(ite) piece de terre est semee la p(rese)nt annee en bled lesd(ites) paries ont accorde et convenu que demeurant la moytie de() la culhiette au mectayer l()au(tr)e movtie se partira mejere(men)t lest[ prenant lad(ite) lombrailhe une moytie et

.....

lesd(its) futeurs mariez l()au(tr)e moytie et pour tenir et observer inviolablement tout le contenu au p(rese)nt instrument lesd(ites) parties contrahentes et ch(ac)une d() elles en ce q(ue) les concerne ont obligez et() yppothecquez leurs biens propres ensemble aussi lad(ite) lombrailhe comme [pro]cede ceulx dud(it) baudonet son filz p(rese)ns et advenir lesquelz ont soubzmis et() soubsmettent aux forces et rigueurs de toutes les courtz temporelles et sceaulx royaulx du p(rese)nt royaulme de france vollans estre constrainctz comme lesd(ites) rigueurs le requierent avec renoncia(ti)on a tous droictz exceptions privilieges et au(tr)es moyens au p(rese)nt instrument contre(re)s et exp(eci)allement lesd(ites) lombralhie et baudonnette mere et fille a tous droictz introduictz et a introduire en faveur des femmes et ainsi l() ont [pro]mys mains levees au nom de dieu de() quoy ont respectivement requiz instrument

.....

## ij<sup>c</sup> lxxxv

a moy d(it) not(aire) que leur ay octroye ez p(rese)nces de blaise malpelet bernard viguye pierre montet dud(it) lieu de bonrepaux et heloy pantailh de villebrumyer habit(ants) qui on dict ensemble lesd(ites) parties ne savoir escripre ny signer et de moy leophaire furbeyre not(air)e royal resident aud(it) s(ain)t leophaire requiz soubz(sig)ne

Furbeyre

not(air)e r(oyal)